



රුංච්චු උංගු අංගුහු ප්පන්ච්චා සැස්

Havagvia Hivuliqtip P.J. Akeeagok
Hivuliqtip P.J. Akeeagok Havakvingani
Bureau du Premier ministre P.J. Akeeagok

Nan'ngarijaujuq P.J. Akeeagok
Minista Kavamaliqidjutinut
Minista Nunaqaqqaarhimajunun
Minista munarijaqaqtuq Nunamin Aallamin Nunatiqhimajunun
Minista Munarijuq Igluin Auladjutitigun Akitutilaanginnut Katimajiinni

Hikutirvia 7, 2022

Ministap Maligahait

Hivuliqtiuslunga, aadjikiiktumik anginirhakkut niriugutiqaqtunga atugahaniklu uvamnun uqautigihimajatka Maligaliuqtinun.

Una titiraqhimajuq tutqighaidjutigijaa maligahamnun **MinistaUBLUNGA HAPKUNUNGA KAVAMALIQIYITKUT (EIA)** ukualu **MINISTAUBLUNGALU HAPKUNUNGA NUNAQAQQAARHIMAJUNUN**. Angirutiqagiikhimajugut munarijaqaqtunga tamainun aktilaanginun hulidjutit havaktaujut havagvimin, ilaujtut:

- Munariblugin qitqani titiqiqijit havagviani Kavamatkut Nunavunmi, kitut havaarijaat tunihinirmik hivulihungnirmik munaridjutainunlu ikajuutit tamainun havagviit inmi tunihiniunun pinahuarutit kivgaqtuutilu;
- Tunihijut atagahaanik Tuglirup Ministap kavamatkunun, kitut tunihijuq uqaudjinirmik titiqiqinirmunlu ikajuutinik Maligaliuqtinun Titiraqtianunlu Maligaliuqtit; ukualu
- Havaklugit kitut hivuliujughat hulidjutit ukualu pinahuarutit pijaangini ukualu ikajuqlugit iniqtirutit kavamatkut pituidjutaa, Katujiluta.

HIVULIUJUGHAT HULIDJUTIT

Katujiluta pidjutigijaa hulidjutighat pinahuarutillu talimani hivuliujughani:

- Inirninguqpalianiq ihumaqatiaqhutik Nunavunmi;
- Amigaiqjumiqlugit igluqpaghatigut aulahimaaqtumik;
- Pidjutigilugit aanniaqtailinirmun mamihainirmunlu;
- Maniliurutigiffaaqhugit ilihaidjutit; ukualu
- Aalakiiktiqlugit nunaptingni maniliurutit.

Havakhugit ilauqatigiingnikku upautidjutit hivuliujughanun, taimaali havagviiit aviktuqhimaguluuniin kuapaliisit hivuliqhunganikkut kiunautiqaqtut tamainun hulidjutinun hivuliujughanun.

Anguritigiblugini kiunautigijatka hivuliqhunganikkut hivuliujughat hulidjutit pinahuarutillu naunaijaqtauhimajut ataani. Una ilaujuq pihimalugit ihuaqtut tutqighaqhimajullu hulidjutit avatiini Kavamatkut Nunavunmi havaqatiptingnun, humi ihuarnikkut.

Qulaani hivuliujughaq, angirutigijara havaklugu qilamik huldijut hapkununga:

- Tunihiluni qitqatigut tutqighaqhimajut atulirnira haffuma Katujjiluta, tikinahuarutiqaqluni pijaangini Kavamatkut Nunavunmi pilugit hanaqidjutit qanuriniit tautktuumijaaqtajut pitquidjutini (aulahimaaqtut);
- Ihuaqhaffaaqlugit EIA tunihijaangini ihuaqhiuumiaqhimajunik ikajuutinik Maligaliuqtinun ihumaliurnirmun qitqanunlu ikajuutit Maligaliuqtinun ilaujunun; ukualu
- Ihivriuqlugit tadjamin qanuriniit qitqanun nuutirutit, havaklugillu tikinahuarutit pinahuarutillu ihuqhiuumiqlugit qitqanun nuutirutit, havaklugillu nutaagnuqtihimajut hulidjutinun upalungaijautit, ikajuqtaulutik Havagvianin Havaktuliqijit (2022-23).

Ikajuutaujaangini hivunighaanun kavamakput, angirutigijatka:

- Tutqighaqlugit pivalliadjutait tamatkiumajut Inirnighar Angajughiillu munaridjutighainun hanaqidjutit anginirhakkut uqautigijaitigut Inirnighat, ilait, nunallaat, havaqatigiillu, ilaujut pijaghat havagiangini Inirnighat Titiraqtia (2022-23).

ILALIUTIHIMAJUT KIUNAUTIGHAT

Ilaujhut pitquidjutinun hivuliujughat titiraqhimajut qulaani, kiunautigijatka:

- Minista Nunaqaqqaarhimajunun
- Minista munarijaqaqtuq Nunamin Aallamin Nunatiqhimajunun
- Minista Munarijuq Igluin Auladjutitigun Akitutilaanginnut Katimajiinni
- Ighivautalik hapkunani Angajughiit Aulapkajut Titiraqtia
- Ighivautaqaqtuq Maligaliuqingmin Katimajiini Hivuliujughanun, Upalungaijautinun Havaqatigiigutinunlu
- Ukaujuq hapkunani Maligaliuqtit katimajiini Pijaangani Aanniaqtailinirmun, Mamihainirmun Inirningunirmunlu

Ighivautaqarnimun Angajughiit Aulapkajianun Titiraqtianun, Pipkarniaqtatka pijaangini uqaudjiniq tunijaujuq pidjutaujunun ilaujut havaaghaanun Tuqlirit Atangujat.

Ighivautaqarnirmun Maligaliuqtit Katimajiinun Hivuliujughanun, Upalungajiautinun Havaqatigiingnirmunlu, Pipkainiaqtunga pihimajaangini havaqatigiitiarutit, munaridjutit hivuliqhuutit hapkununga kavamanun tamainun atulirniranun haffuma Katujjiluta ppitquajumun, ilaujut nutaat havaqatigiigutit ihuaqhaidjutaits.

HAVAQATIGIIRNIKKUT

Katujjiluta atiinaungituq uvani pitquidjunmi. Atugahanun hivunighaliurut tapmna aghuurutiqaqtuq tungavikkut aalangutirniq qanqtut havaqatigiigutiptingnun atautimun pijaangani uqariirutit Nunavunmun. Uqautigilugit hivuliujaghavut, hapingitunga piniaqtugut:

- **Havakluta iluani Maligaliuqtit ukualu Ninistaujut atuliriangani uqautigijaqqut pitquajuuq;**
- **Hivituqjuumiqlugit hakugikhijuumiqlugillu havaqatigiigutit** hapkununga Nunavut Tunngavik Incorporated ukualu Aviktungniitigut Inuit Timingit ihuaqhijaangini ikajuutivut mighaanun atauhirmun atuqtaujumun;
- **Havaklugit aktilaangit ikajuutillu amigaiqjuumiqlugit ihuaqhijuumiqlugillu Inuinnait havaaghait** kavamatkuni; uvalu
- **Tautuktithimaarlutiklu Inuit inuuqatigiingnikkut akhuerutigijangit unalu Inuit Qaujimajatuqangit** hulidjutinun itquumajunik hivitujumiklu aalanguqtirutit.

Titiraqtia Maligaliuqtit, Tuglira Atangujaqlu kiunautiqaqtuk kiunautinun ikajungnirmun uvamnun Minitautilunga ikajuqhugillu Atangujat Katimajiit tamaat pidjutigijaangini angurutistik tamaanunlu havaarijaptingnun. Tunihiniaqtunga naunaijaitiaqhimajunik atugahaanik Titiraqtianun Maligaliuqtit, ilaujut niriurutitka havaqatigiingnirmun ilauqatigiingnirmunlu talvanga avataanunlu Kavamatkut Nunavunmi.

Quviahuktunga aliahukhungalu havaqatigilutit havagiangini havaqatigiigutighat pihimablugit tutqigharnikkut havaqatigiingnikkut hulidjutit ihuaqhijuumirutiniaqtut ubluni inuuhiinun Nunavunmiut atuqlugillu hakugiktut tungadjutit hivuniptingni.

Pittiarnikkut,



P.J. Akeeagok
Hivuliqtu Nunavunmun

aadjiliuqhimajut. Jimi Onalik, Tugliujuq Ministamun Tikkuqaqtahimajununlu Katimajiit
Titiraqtu, Kavamatliqiiyitkunni